



FEDERAZIOAREN LIZENTZIAK

IZAPIDETZEKO ARAUDIA

1.- FEDERAZIOAREN LIZENTZIA ESKATZEA

- a. Izapide guztiak (altak, luzapenak eta bikoizketak) klubak edo elkarteak egin behar ditu derrigorrez. Ez dira onartuko mendizaleek zuzenean, elkartearen bitartekaritza gabe, egindako eskaerak. Federatuek ez dituzte jasoko txartelak zuzenean, elkarteari baitagokio zeregin hori, ezinbestekak bultzatutako kasuetan izan ezik; elkarteko lehendakariak edo arduradunak justifikatu beharko ditu kasu horiek, eta elkarteko lehendakariak lurralde federazioari jakinarazi behar dio aurrez. Interesatuak NANA aurkeztu behar du.
- b. Elkarteei gomendatzen zaie altak Federazioan ez izapidetzeko, bazkideek aurrez onartu edo eskatu ez badituzte, beharbada ez baitute lizentzia berritzerik nahiko, edo, agian, beste elkarteren baten bitartez izapidetuko baitzuten lizentzia, eta horrelako kasuetan nahaste administratibo handiak sortzen baitira. Ordaindutako kopurua itzuli egin behar den salbuespeneko kasuetan, lurralde federazioak kopuru horren % 10 arte atxiki ahal izango du.
- c. Lizentzia eskaeren sortak ondoko agiri hauek izan behar ditu beti: federatu beharreko pertsonen zehaztasunak, kitapen ekonomikoa eta ordaindu izanaren egiaztatzea. Diru sarreraren kontzeptuan, elkartearen izenak agertu behar du nahitaez, modu egokian identifikatu ahal izateko.
Ez da izapidetuko aurrez ordaindu ez den sortarik, eta ez da onartuko eskudiruan edo bankuko txeke bidez ordaintzea, lurralde federazioak aurkakorik esan ezean.
- d. Pyrenaica aldizkariaren harpidetza automatikoki egingo zaie 65 urtetik gorako pertsona guztiei, onuradunen kasuan izan ezik. Kasu horretan, federatuak emailearen datuak eman behar ditu, eta elkarteak, ahal duen neurrian, onuradunaren eta emailearen arteko lotura egokia dela egiaztatu behar du.
- e. Lizentziak urte osoan izapidetu ahal izango dira, abuztuan izan ezik, hilabete horretan Federazioa itxita baitago. Beraz, Federazioko kide diren elkarte guztiek bazkideek eskatutako izapideak egin behar dituzte nahitaez, estatutuek hala ezartzen dutelako, eta ezin dute muga egunik jarri horretarako. Bada salbuespen bat: elkarte jakin batek oportetarako edo ezinbestekak bultzatuta itxi behar duenean. Dena den, elkarteak bazkideari jakinarazi behar dio bere lizentzia eskaera noiz izapidetzea aurreikusten duen, eta adierazi behar dio ez dela aseguraturata egongo eskaera lurralde federazioan izapidetu arte.
- f. Datu pertsonalak babesteari buruz indarrean dagoen legea betetzeko, federatu guztiei jakinarazi behar zaie Federazioak euren datuak nola eta zertarako erabiliko dituen. Lizentzia egiteko edo berritzeko eskatzeko unean, elkarteak "lege jakinarazpenaren" kopia (ikus 1. eranskina) emango dio federatuari, edo, bestela, irakurtzeko utziko dio.



1.1- Izapideak eskuz egiteko sistema

- a. Izapideak eskuz egitea erabakitzen duten elkarteek aurrez erabaki horren berri emango diote dagokion lurralde federazioari.
- b. Lurralde federazioak emango dizkie elkarteei sorten zehaztasunei eta likidazioari buruzko inprimakiak (altak, luzapenak eta bikoizketak). Letra larriz bete behar dira, eta elkartearen zigilua izan behar dute. Elkarrekin inprimakien bi kopia entregatzen baditu, horietako bat zigilatuta jasoko du.
- c. Lurralde federazioak tasa bat aplikatu ahal izango du eskuz izapidetutako alta eta luzapen bakoitzarengatik, datuak programa informatikoan txertatzeko egin beharreko lana ordaintzeko.

2.- FEDERATUEI BAJA EMATEA

Eskaera/Sorta lurralde federazioa bidali ondoren, **ez da onartuko sorta horretako federaturen batek baja ematea**, ez eta hautatutako estaldurak aldatzea ere, lizentzia oraindik indarrean ez egon arren (azaroan eta abenduan hurrengo urterako izapidetutakoak).

2.2- Salbuespenak

Indarrean izatea egokia ez dela iritzita, federatuen bajak onartuko dira ondorengo kasu hauetan:

- Federatu beharreko pertsona aurrez beste elkarte batean federatuta dagoenean.
- Federatu beharreko pertsona Broker's-ek kudeatutako beste mendi federazio batean aurrez federatuta dagoenean.
- Federatu beharreko pertsona aurrez beste identifikazio zenbaki batekin federatuta dagoenean.
- Federatu beharreko pertsona alta izapidetu aurretik hiltzen denean, eta elkarteak, heriotzaren berri ez zuelako, alta izapidetu duenean.

Kasu horietan, ordaindutako kopurua itzultzeko, 1.b. atalean zehaztutakoa aplikatuko da.

3.- ELKARTEA ALDATZEA

Ez da inoiz onartuko federatuek elkarte aldatzea, horien lizentzia indarrean dagoenean edo lurralde federazioan izapidetu denean.



1. ERANSKINA- FEDERATUENTZAKO INFORMAZIOA (Federatu bakoitzak informazio honen kopia bat jaso behar du)

IZAERA PERTSONALEKO DATUAK BABESTEARI BURUZKO LEGE JAKINARAZPENA

Abenduaren 13ko 15/1999 Lege Organikoak, Izaera Pertsonaleko Datuak Babesteari buruzkoak, ezarritakoaren arabera, jakinarazten dizugu inprimakien edo euskarri informatikoaren bidez erregistratutako datuak Federazioaren lizentziarekin lotutako zerbitzuak eskaintzeko erabiliko direla soilik, eta **Euskal Mendi Federazioaren** jabetzako fitxategi informatiko batean gordeko direla; fitxategi hori Datuak Babesteko Agentzian inskribatuta dago. Era berean, Federazioaren araudian ezarritakoa betetzeko, lurralde federazioek eta elkarteek Euskal Mendi Federazioak lizentzia egiteko behar duen dokumentazioa izapidetuko dute soilik, lege trataera egokia emango diote, eta datu horiek eman ziren xederako erabiliko dira soilik.

Datuen titularrek eskubidea izango dute datuetan sartzeko, datuak zuzentzeko, kentzeko, ezerezteko edo horien aurka egiteko, eta Euskal Mendi Federaziora igorri beharko dute ekintza horiek egiteko eskabidea (Errotaburu pasealekua, 1 -9.a – Donostia, Gipuzkoa). Eskabide horretan ondorengo datu hauek jaso behar dituzte: interesatuaren izen-abizenak, jakinarazpenak igortzeko helbidea eta NANaren edo pasaportearen fotokopia. Eskaera ordezkoren baten bitartez eginez gero, horren agiri fede-emailea aurkeztu behar da. Eskatutako datuak nahitaezkoak dira zehaztutako helburua betetzeko. Zure datuak horrela erabiltzea nahi ez duzula adierazi ezean, erabilera hori onartu egiten duzula ulertuko da, bai eta aipatutako erakundeen esku uzten dituzula ere.